



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 78. Quid facere debeat Sacerdos, si sumens calicem advertat se pro vino habuisse aquam; aut dubitet, an non sit acetum.

urn:nbn:de:hbz:466:1-42624

quia sacrificium est completum & communio peracta, quæ etiam habuit suum effectum gratiæ, secundum dicta p. 1. n. 415. Et si nemo sit, qui tales species sumere velit, debent diluiri, quâ, donec dispereant, & aqua illa excipienda est linteo, quod exsicceetur, *Gob. & alii.*

542. §. 12. Si hostia è manu decidat in sacrum Sanguinem & tota madefiat, non debet extrahi, sed dicantur omnia de more, fiantque utraque ceremoniæ supra calicem, & simul sumantur hæ species, dicendo, Corpus & Sanguis Domini nostri &c. Quod si posset, deberet recipi pars hostiæ non madefacta ad ceremonias omnes circa illam perficiendas.

543. §. 13. Si Sacerdos, postquam ab altari discessit, adverteret defectum, v. g. se unam speciem non consecrassè validè, redire non debet nec aliquid supplere, quia prior actio jam censetur completa, *Pasq. q. 298. n. 9. Aversa §. Quinto.*

544. Q. 78. Quid facere debeat Sacerdos, si sumens calicem advertat se pro vino habuisse aquam, aut dubitet, an non sit acetum. R. Præter, illa quæ habet *Busenb. relatus p. 1. n. 550.* Notanda sunt seqq. §. 1. Si fuit aqua & aliquid illius in os sumpsit, hoc deglutiat, reliquum autem, si illi adhuc innatet particula hostiæ consecratæ, infundat alteri calici & reponat in corporali: si autem particulam illam simul hauserat, illud, quod superest, infundat vasi mundo postea sumendum cum prima ablutione. Deinde abstergat calicem infundat de more vinum & aquam, aut si velit, & maximè si parvæ quantitati aquæ adhuc innatet particula hostiæ, retineat hæc in calice & affundat vinum pro nova consecratione: quod si multum aquæ superesset, potest partem effun-

effundere in dictum vas mundum, & cum aliqua aqua retinere partem hostiæ in calice, ac affundere vinum consecrandum.

§. 2. Putant multi cum S. Tho. q. 83. a. 6. ad 545. 4. in eo casu iterum consecrandam esse novam hostiam, incipiendo à verbis, *Qui pridie quàm pateretur*, estque consultius, saltem si celebretur privatim, nam cùm species panis sint sùptæ, non videntur amplius posse conficere unum Sacramentum cum speciebus vini, quod necdum fuit positum in Altari, nec simul oblatum est. E contra Scot. Nav. Suar. Côn. Laym. Dicast. Aversa q. 11. s. 16. §. Octavò. Tamb. De Commun. c. 2. n. 34. Gob. in Exp. t. 3. à n. 770. Lohn. De Sacrific. p. 2. tit. 35. aliique plures quàm 40. gravissimi Authores cum Pasq. q. 299. volunt tum offerri solum calicem & consecrari, incipiendo à verbis, *Simili modo*, quia Cap. *Pastoralis*, & Cap. *Presbyter De Sacramentis* non iterandis dicunt duo Pontifices in talibus non esse aliquid iterandum, sed cautè supplendum, quod incautè fuerat prætermisum. Quod *Conf.* nam aliter non diceretur compleri Sacrificium inceptum sed aliud integrum de novo poni. Et utramque sententiam, si in publico celebretur, approbat Rubrica Missalis.

§. 3. Quod attinet ad vinum, aliquantùm 546. acescens, adhiberi potest sine ullo scrupulo, inquit Gob. n. 54. post Suar. est enim re ipsâ vinum, & praxis habet, ut etiam à viris probis & doctis adhibeatur, præsertim ruri. Si tamen esset ita acidum, ut prudenter dubitaretur, an esset acetum, tenendum esset, quod dixi n. 535.

Q. 79. Quomodo Missa aliquando sit per alium 547. complenda. R. §. 1. Quando celebrans ita infirmatur,

Tom. VI.

R

matur,